

Et sociis sanctis famulis tuis, et timeam te,
 190 Et placeam dum vivo tibi, nec sim reus illo
 Tempore, cum stetero meriti memor ante tri-
 [bunal.
 Christe, tuum: vereque colam quod prædico
 [nomen.
 Crux tua fronte, manu, labiis, crux intima sidat.
 Crux clypeata domus, crux sit lorica salutis,
 195 Hoc melius signo fulgebit lucida turris,
 Quam cum sacrilego polluto cruore maderet.

EXPLICIT.

INCIPIUNT ORATIONES ORIENTII

NUMERO XXIV.

Tibique, Domine, celsum Cherubim dicatum est,
 Et illa molis quadriformis machinæ
 Te sempiterno confitentur carmine,
 Et nos imago consonantis cantici
 5 Amen sonamus, alleluia dicimus.
 Te septem primi deprecantur angeli,
 Seu civitatis septem principes viri,
 Solio propinqui, janitores proximi:
 Et nos imago consonantis cantici
 10 Amen sonamus, alleluia dicimus.
 Te solis astrum cum sore menstrua,
 Vergilicæ, Jugula, Vesperugo, Lucifer,
 Omnesque guttæ præmicantes invocant:
 Et nos imago consonantis cantici
 15 Amen sonamus, alleluia dicimus.
 Aer aquosus sive sudus invicem,
 Simulque venti, pluvie, grando, flumina,
 Ritu suomet conditorem concinunt:
 Et nos imago consonantis cantici
 20 Amen sonamus, alleluia dicimus.
 Solum stativum cum fertura mobili
 Quæ paret homini, quæque capta de una,
 Tibi cantat uni, conticescit cæteris:
 Et nos imago consonantis cantici
 25 Amen sonamus, alleluia dicimus.
 Oceane, qui cinctam coerces aream,
 Et intestini fossa media gurgites,

Versu 2. Pro *moles* juxta observationem supra ad-
 notatam.
 Versu 31. Forte *furva*.
 Versu 41. Forte *quem lædit*.

A Deum sonantes cum marinis belluis:
 Et nos imago consonantis cantici
 30 Amen sonamus, alleluia dicimus.
 Infernæ sedis flamma, fulva tartara,
 Trucesque præsertes pariter angeli,
 Amen minaci decantantes carmine:
 Et nos imago consonantis cantici
 35 Amen sonamus, alleluia dicimus.

INCIPIIT XXIV.

Postremo dico deprecandi canticum,
 Id facio quantum per xx cantica,
 Sed ne quis audax interpellet quippiam:
 Anguem magistrum falsitatis increpo,
 40 Ut non adjiciat sive demat litteram.
 Quisquam quemquam lædit spiritalis lectio,
 Et hæcbit lectionem spernere,
 Non commutare lectionis formulam:
 Anguem magistrum falsitatis increpo,
 45 Ut non adjiciat, neve demat litteram.
 Quisquis errat in mutanda littera,
 Ignarus errat; venia Christo, si præsto est:
 Nam non voluntas, verum dextra labitur.
 Anguem magistrum falsitatis increpo,
 50 Ut non adjiciat, neve demat litteram.
 Ad illos homines interdictum pertinet,
 Qui voce vera nominantur physici:
 Si non probatis, præterire liberum est.
 Anguem magistrum falsitatis increpo,
 55 Ut non adjiciat, neve demat litteram.
 Et nos a face ethnicorum emerisimus,
 Eamque tandem rupimus caliginem,
 Dum spiritales exaudimus angelos.
 Anguem malignum. . . .
 60 De signo sextum præcavendam spiritu
 Mortis Dei prophetas instrumenta demonum
 Numa et mortis semper in sæculum.
 Deus sancte, te rogamus Patrem Unigeniti,
 Christe Deus, te precamur vivum Dei Filium,
 65 Sancte Christe, te obsecramus judicem verum
 [Deum.]

EXPLICIT ORATIO XXIV*.

* Orationes viginti quatuor composuerat Orientius
 ex titulis. At primam tantum et ultimam exhibet no-
 ster codex manuscriptus.

D

ANNO DOMINI CCCCLXX.

SANCTUS AUSPICIIUS

EPISCOPUS TULLENSIS.

EPISTOLA

AUSPICII EPISCOPI ECCLESIE TULLENSIS AD ARBOGASTEM
 COMITEM TREVIRORUM.

Præcelso expectabili his Arbogasto comiti,
 Auspicius qui diligo, salutem plurimam.

Magnas cœlesti Domino rependo corde gratias,
 Quod te Tullensi proxime magnum in urbe vidimus.
 Multis me tuis actibus lætificabas antea,
 Sed nunc fecisti maximo me exultare gaudio.
 Major etenim solus apparuisti omnibus,